



Amantaa jechuun gaarii yaaduudha

Abuu Ruqiyyaa Tamiim ibnu Aows Addaarii irraa akka odeeffametti -Rabbi isa irraa haa jaallatu- nabiiyiin -Rabbiin rahmataa fi nageenya isaan irratti haa buusu- ni jedhani: "Amantaa jechuun gaarii yaaduudha" ni jenne: eenyuufi? ni jedhan: "Rabbiifi, kitaaba Isaatiifi, ergamaa Isaatiif, dureewwan muslimootaatii fi hunduma isaanitiifi".

[sirrii] [Muslimtu gabaase]

Nabiiyiin -Rabbiin rahmataa fi nageenya isaan irratti haa buusu- Amantiin Rabbiif qulqulleessanii hojjachuu fi dhugaa irratti akka gadi dhaabbate himani, sunis kan ta'e akkuma Rabbiin dirqama taasisetti, hir'isaan maletti yookaan gowwoosaan maletti, guutuu ta'ee akka raawwatamuufi. Nabiiyiidhaan -Rabbiin rahmataa fi nageenya isaan irratti haa buusu- nasiihaan (gorsi) eenyuuf ta'a? jedhamee jennaan, akkas jedhani: Jalqaba: Rabbiif nasiihaa gochuudha (yaaduudha): kunis kan ta'u, hojii kee Rabbiif qulqulleesuu fi isatti qindeessuu dhabuun, Rabbummaa isaa, gabbarummaa isaatii fi maqoolee fi sifaata isaatti amanuun, ajaja isaa ulfeessuu fi isatti amanuutti waamuuni. Iammaffaan: Kitaaba Rabbiitiif nasiihaa gochuudha (yaaduudha) innis Qur'aana kabajamaadha: kunis kan ta'u haasaa Rabbi ta'uu isaa, xumura kitaabolee isaa ta'uu fi shari'aawwan isaan dura turan hundas kan haqe ta'uu isaatti amanuuni, akkasumas isaa ulfeessina, akka dubbifamuu qabuttis isaa dubbifna, murtoo isaa ifa galaa ta'ettis ni hojjanna, wol fakkaataa isaas itti amannee fudhanna, jijjiirraa worra isa jallisanuu irraas isaa eegna, gorsa isaatiinis ni gorfamna, beekumsa isaas ni facaafna, isattis ni waamna. Sadaffaan: ergamaa Rabbi Muhammadii -Rabbiin rahmataa fi nageenya isaan irratti haa buusu- nasiihaa gochuudha (yaaduudha): sunis kan ta'u, ergamaa xumuraa ta'uu isaaniitti amanuun, waan isaan ittiin dhufan dhugeessuun, ajaja isaanii hojii irra oolchuun, waan isaan irraa dhoorgan irraa fagaachuun, waan isaan ittiin dhufaniin malee Rabbiin gabbaruu dhiisuun, haqa isaanii jabeessuun, isaan ulfeessuun, waamicha isaanii facaasuun, kara isaanii diriirsuu fi maqa balleessii isaan irraa mormuuni. Afraffaa: Dura buutota Muslimootaatiif nasiihaa gochuudha (yaaduudha): kunis kan ta'u haqa irratti isaan gargaaruun, aangoo isaaniiin falmuu dhabuu fi Rabbiif ajajamuu keessatti isaan dhaga'uuni. Shanaffaan: Muslimootaaf nasiihaa gochuudha (yaaduudha): kunis kan ta'u; tola isaanitti ooluun, islaamummaatti isaan waamuun, waan isaan rakkisu isaan irraa qabuun, toltuu isaaniif jaallachuu fi toltuu fi sodaa Rabbi keessatti isaaniiin wol gargaaruuni.

النجاة الخيرية
ALNAJAT CHARITY

